



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1712**

Q. 243. Quinam Confessarii mereantur nomen Jansenistarum,  
Rigoristarum, Laxorum, Benignorum.

**urn:nbn:de:hbz:466:1-42433**

propositæ se non accommodet : quæ omnia pluribus explicabuntur in seqq.

1794.

*Q. 242. An Religiosi censeri debeant apti confessionibus audiendis : & quis absolute censeri debet bonus Confessarius.* R<sub>2</sub>. §. 1. Jansenistæ negant Religiosos censeri debere aptos , imprimis quia statim absolvunt , ideoque confessiones illas factas dicunt debere censeri communiter sacrilegas : sed hoc damnavit Alex. VIII. secundum dicta n. 125. Deinde, quia nimis parvas pœnitentias injungunt , sed hoc etiam damnatum est ab eodem Alex. VIII. secundum dicta num. 1263. E contrà pro Religiosis sunt hæc argumenta valentiora : 1. quia eorum doctrina plerumque est major & tutior, nam dant se magis & per Superiora attinentur ad sana dogmata. 2. Plerumque major est illorum virtus, cui ratione statis & mediorum student impensis. 3. Experientia docet directionem Religiosorum magis prodesse ad perfectionem & sanctitatem consequendam.

1795.

§. 2. Ille est absolute bonus Confessarius & rectè implet munus suum , qui pœnitentem benignè excipit, patienter audit, prudenter instruit, suaviter arguit, prout tempus & necessitas exigit : quandoque timore concutit, semper spe erigit , continuo amore virtutis accedit.

1796.

*Q. 243. Quinam Confessarii mereantur nomen Jansenistarum, Rigoristarum, Laxorum, Benignorum.* R<sub>2</sub>. §. 1. Jansenistæ sunt, 1. qui defendunt aliquam ex 5. propositionibus in Jansenio damnatis. 2. Qui defendunt propositiones illas non contineri in libro qui dicitur , Augustinus Jansenii. 3. Qui sincrè , ex animo & absque distinc-

distinctione juris & facti nolunt subscribere formulario præscripto ab Alex. VII. & Clemente XI. ideoque non damnant 5. illas propositiones in sensu libri Jansenii, Clemens enim dicit Ecclesiæ illudi & hæresin silentio foveri , dum quis ipsam Jansenii doctrinam interius abjecere & corde improbare detrectat. 4. Qui in administratione Sacramenti Pœnitentiae aut directione fidelium utuntur regulis fundatis in aliqua ex 5. propositionibus in Jansenio damnatis , quales sunt , homo peccat etiam in hoc , quod aliter facere non potest. Confitendi sunt actus & motus de se graviter mali, si voluntarii sint , quamvis fiant sine ulla libertate indifferentiæ; &c. Ratio , cur omnes isti meritò dicātur Jansenistæ. hæc est , quia secundum Breve Innoc. XII. Nuper , ad Episcopos Belgii datum 6. Febr. 1694. illi rectè dicuntur Jansenistæ , quos constat esse suspectos , quòd tenuerint aut teneant aliquam ex 5. propositionibus damnatis , atqui omnes illi manifestè suspecti sunt , quòd aliquam ex his propositionibus tenuerint imò & adhuc teneant : hinc speculativa istorum hominum Theologia est Jansenismus , moralis autem est Rigorismus in Jansenismo fundatus. De illis rectè scribit Francol. in Præfat. ad Clericum Rom. quòd soleant Patres jactare plurimum , pontifices aestimare parvi , recentiores Theologos nihil facere : Patribus , uti ab ipsis expnuntur , deferre obsequium verum ; Pontificibus simulatum ; reliquis doctoribus , neutrum.

§. 2. Rigoristæ sunt , 1. qui sequuntur doctri- 1707.  
nas alias ab Ecclesia ob nimium rigorem re-  
probatas , quales sunt multæ Bajanæ & pleræ-  
que ab Alex. VIII. damnatæ , v. g. hæ, Ignoran-

tia invincibilis juris naturæ non excusat à peccato formalí. Non licet sequi opinionem vel inter probabiles probabilissimam. Satisfactione est præmittenda absolutioni. Per praxin monachorum absolvendi ordo poenitentiae est inversus. Communicare non debet, qui necdum habet amorem Dei purissimum. Omnis actio humana, quæ non est Dei dilectio, peccatum est. 2. Quae sequuntur doctrinas, quamvis forte necdum expressè damnatas, attamen indiscretas vel humanæ infirmitati non accommodatas, quale sunt, Absolvi non debent, qui ordinariè continentur Religiosis, nisi totius anterioris vitæ confessiones repeatant. Quoties quis relabitur, signum est antea caruisse vero dolore vel proposito, hinc debet priores confessiones repetere. Poenitentiae imponendæ sunt secundum rigorem antiquorum canonum. Etiam pro occultis peccatis poenitentiae publicæ sunt peragendæ. Semel fornicatus debet ad minimum per dies quadraginta jejunare. Etiam primâ vicie confitens mortale ordinariè non est mox absolvendus. Contritio debet esse dolor non tantum appretiativè sed etiam intensivè summus. Dispositus non est ad absolutionem, in quo amor Dei castus non prædominatur supra omnes alios affectus actuales & habituales. Est obligatio jejunandi etiam ante 2*i.* annum, & tenentur etiam pueri, quantum possunt.

1708.

§. 3. Laxi sunt, 1. qui sequuntur doctrinas ab Ecclesia ideo reprobatas, quia nimium favent libertati humanæ, quales sunt propositiones plurimæ ab Alex. VII. & Inn. XI. damnatae, v. g. hæc, Peccata in confessione oblita non tenetur in sequente confessione exprimere.

Come-

Comedere ob solam voluptatem non est peccatum. 2. Qui sequuntur doctrinas faventes libertati humanæ contra legem Dei vel Ecclesiæ, non nixas gravibus motivis ab authoritate vel ratione petitis, qualis est, Monachi cantantes in choro non tenentur ad jejunaum.

§. 4. Benigni sunt, qui ex gravibus motivis 1709.  
petitis ab authoritate vel ratione sequuntur doctrinas faventes libertati, quales sunt: Extra materias Sacramentorum licitum est sequi opinionem minus probabilem & minus tutam. Attritio sufficit cum Sacramento. Qui aliquid fecit sine plena advertentia ad malitiam mortalem, non peccavit mortaliter. Post commissum mortale non est obligatio statim pœnitenendi. Ex dictis,

*Colliges* 1. Jansenistas communiter esse Rigoristas, sed non semper contrâ: unde reprehendendi sunt illi, qui quem audiunt esse rigidum, statim vocant Jansenistam. 2. Eos immēritò dici Rigoristas, qui in administrandis Sacramentis, quantum possunt, tutiora & pœnitentibus utiliora sequuntur, quamvis difficultiora sint: id enim reprehendendum non est; unde sicuti est dicacitas popularis eos vocare scrupulosos, qui conantur exactè & perfectè vivere, ita dicacitas maligna est eos vocare Jansenistas aut Rigoristas, qui meliora & securiora suadent, dummodo discretè fiat, & Sacramenta per hoc non reddantur fidelibus odiosa. 3. Aliquem posse esse Rigoristam in uno & laxum aut benignum in altero: dicendus autem erit simpliciter talis vel talis, ab illo, quod plerumque & ut plurimum sequitur.

*Q. 244. Quānam generatū observare debeat* 1711.

Qqq 5

Con-